

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara, Kultura eta Kirol Sailsa**

Bizkaiko Foru Aldundiaren 81/2019 FORU DEKRETUA, uztailaren 9koa. Honen bidez, 2019ko ekitaldian Bizkaiko Lurralde Historikoan astialdiko trebakuntza-jarduerak sustatzeko Aldundiaren diru-laguntzen oinarri arautzaileak eta deialdia onesten dira.

Euskal Autonomia Erkidego Osorako Erakundeen eta Lurralde Historikoetako Foru Erakundeen arteko Harremani buruzko azaroaren 25eko 27/1983 Legeak 7.c.2 artikuluan ezartzen duenarekin bat, lurralde historikoei dagokie, zeini bere lurraldearen barruan, erkidego osorako erakundeen legeria betearaztea honako arlo hauetan, besteak beste: erkidegoaren garapena, emakumea, haur, gazte eta adinekoentzako politika, eta aisialdia. Nolanahi ere, Euskal Autonomia Erkidegoko erakunde erkideek ere zuzenean jardun dezakete arloetan.

Bizkaiko Foru Aldundiko Euskara eta Kultura Sailaren Egitura Organikoari buruzko Erregelamendua onesten duen Bizkaiko Foru Aldundiaren 2018ko martxoaren 6ko 22/2018 Foru Dekretuaren arabera, sail honen eskumena da ume eta nerabeentzako astialdiaren eremuan lanean diharduten pertsonen prestakuntzari arreta ematea.

Horregatik guztiagatik, eta eskumen-titulu horiek direla bide, Bizkaiko Foru Aldundiaren xedea da foru dekretu honen bidez aisialdiaren arloko hezitzaileen eskolek ematen duten trebakuntza sustatzea, zertarako eta gazteak hobeto gaitzeko eta parte hartzeko kultura sustatzeko Bizkaiko Lurralde Historikoan.

Foru dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen urriaren 1eko 39/2015 Legean aurrez ikusten dira eta Bizkaiko Foru Aldundiaren urtarrilaren 17ko 2/2017 Foru Dekretuaren 3. artikuluan jasotzen dira (foru dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru dekretu horretan xedatutakoa kontuan hartuta, txosten hauek eman dira foru dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.

Bizkaiko Lurralde Historikoko Foru Erakundeen Hautapen, Antolaketa, Araubide eta Jardunbideari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuaren eskumena dela, besteak beste, Foru Aldundiari proposamenak aurkeztea haien sailtako gaiei buruzko foru dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari diru-laguntzen emakida arautuko duten oinarriak onesteko. Eta, azkenik, Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Gobernu Kontseiluari dagokiola onartzea egintza bakarrean.

Hori dela bide, Euskara, Kultura eta Kirol Saileko foru diputatuaren ekimenez, eta aurrez Bizkaiko Foru Aldundiak 2019ko uztailaren 9ko bileran eztabaidatu ondoren, honako hau



XEDATZEN DUT:

Artikulu bakarra.—Foru Aldundiaren diru-laguntza batzuen oinarriak eta deialdi publikoa onestea

2019ko ekitaldian Bizkaiko Lurralde Historikoan aisialdiko trebakuntza-jarduerak sustatzeko Aldundiaren diru-laguntzen oinarri arautzaileak eta deialdia onesten dira.

I. TITULUA

XEDAPEN OROKORRAK**1. oinarria.—Diru-laguntzaren xedea**

1. Foru dekretu honen arabera diru-laguntza jaso dezakeen jarduera astialdirako hezitzaileak trebatzeko eskola ofizialek astialdiko hezkuntza-jardueretako zuzendariak eta begiraleak trebatzeko 2018ko urriaren 1etik 2019ko irailaren 30era bitarteko epean ematen dituzten ikastaroen antolakuntza da.

2. Diru-laguntzarako eskabidean aurkeztutako proiektuek baldintza hauek bete beharko dituzte:

- a) Bizkaiko Foru Aldundiak aurretik egiaztatu behar ditu ikastaroak.
- b) Ikastaroak Bizkaian emango dira oso-osorik (fase teoriko-praktikoa zen praktikoa), 2019ko irailaren 30 baino lehen (egun hori barne).
- c) Ikastaro bakoitzeko gutxieneko matrikulazioa hamar (10) pertsonakoa izango da, eta gehienekoa hogeita hamarrekoa (30).
- d) Begiraleentzako trebakuntza-ikastaroetan gutxienez trebakuntza teoriko-praktikoko ehun eta berrogeita hamar (150) ordu eta trebakuntza praktikoko ehun eta hirurogei (160) ordu emango dira.
- e) Hezkuntza-jardueretako zuzendarietarako trebakuntza-ikastaroetan gutxienez trebakuntza teoriko-praktikoko berrehun eta laurogeita hamar (290) ordu eta trebakuntza praktikoko ehun eta hogeita hamar (120) ordu emango dira.
- f) Bete beharrekoa izango da Eusko Jaurlaritzako Kultura Sailaren azaroaren 2ko 419/1994 Dekretuan xedatutakoa; dekretu horren bidez, batetik, haur eta gazteen aisialdirako hezitzaileak trebatzeko eskolak eta, bestetik, haur eta gazteen aisialdi ihardueretarako begirale eta zuzendariak trebatzeko ikastaroak izendapen ofizialez onartzeko eta bertan parte hartzeko modua arautzen da.

3. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak direnak eta ezarritako epearen barruan egiten direnak, baina diru-laguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa.

Honako hauek, berriz, ez dira diruz lagun daitezkeen gastuak:

- a) Ekipo-ondasunak erostea, baldin eta haien amortizazioa luzeagoa bada foru dekretu honetan jasotzen diren jarduerak egiteko epea baino.
- b) Banku-kontuen zorrek sortutako interesak.
- c) Interesak, errekaruak, administrazio-zehapenak eta zigor-zehapenak.
- d) Prozedura judizialen gastuak.
- e) BEZa, baldin eta berreskuratu edo konpentsatu badaiteke. Kasu horretan, BEZik gabe agertu behar dute gastuen zenbatekoek, hala eskabidean agertzen den aurrekontuan, nola diru-laguntzaren justifikazioarekin batera aurkeztuko den aurrekontu gauzatuan.
- f) Oro har, maiatzaren 31ko 5/2005 Foru Arauaren 29. artikuluekin bat etorruta, beren-beregi kanpo utzitakoak.

2. oinarria.—Erakunde onuradunak

1. Honako erakunde hauek jaso ahal izango dituzte foru dekretu honetan araututako diru-laguntzak: astialdiko hezitzaileak prestatzeko eskolen (irabazteko asmorik gabe



eratuak) erakunde titularrak, baldin eta maiatzaren 31ko 5/2005 Foru Arauaren 12. artikuluan ezarritako kasuetako batean ez badaude eta betekizun hauek betetzen badituzte:

- a) Haur eta gazteen aisialdirako hezitzaileak trebatzeko eskolen onarpen ofizialari buruzkoak diren Eusko Jaurlaritzako Kultura Sailaren 1994ko azaroaren 2ko 419/1994 Dekretuan eta Eusko Jaurlaritzako Hezkuntza, Hizkuntza Politika eta Kulturako sailburuaren 2016ko urriaren 27ko Aginduan ezarritako baldintzak betetzea.
- b) Egoitza soziala edo ordezkari itza iraunkorra izatea Bizkaiko Lurralde Historikoan.
- c) Jarduera-eremua Bizkaiko Lurralde Historikoa izatea.
- d) Emakumeen eta gizonen artean benetako berdintasuna lortzeko jarduketan garapenean esperientzia eta ibilbidea egiaztatzea, Emakumeen eta Gizonen Berdintasunerako ekainaren 20ko 4/2018 Foru Arauaren 43. artikularekin bat etorrita, foru-dekretu honen 6.2 oinarrian ezartzen den moduan.

2. Sexua dela-eta inor bazterteagatik administrazio-zehapenik edo zehapen penalik jaso duten erakundeek ezin izango dute dekretu honetan araututako deialdian parte hartu, dagokien zehapena indarrean dagoen bitartean; halaber, Emakumeen eta Gizonen Berdintasunerako ekainaren 20ko 4/2018 Foru Araua dela bide debeku hori ezarri zaienak, dagokien zehapena indarrean dagoen bitartean.

II. TITULUA

ARAUBIDE JURIDIKOA

3. oinarria.— Aplikatu beharreko araudia

Foru dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Araua, martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazioen Publikoen Administrazio Prozedura Erkidearen urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein xedapen arauemaile, duen izaeragatik ezartzeko modukoa baldin bada.

Bizkaiko Gardentasunari buruzko otsailaren 17ko 1/2016 Foru Araua erakunde pribatu hauei aplikatuko zaie: aurrekontu-ekitaldian zehar Bizkaiko Foru Aldundiaren 100.000 euroko edo gehiagoko laguntzak edo diru-laguntzak jasotzen dituztenei edo haien urteko diru-sarreraren % 40 Aldundiaren laguntzetatik edo diru-laguntzetatik badator, betiere gutxienez 5.000 euro badira.

4. oinarria.— Arau-hausteak eta zehapenak

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren IV. tituluan xedatutakoa ezarriko da, bai eta arau hori garatzen duen erregelamenduaren IV. titulua ere.

III. TITULUA

PROZEDURA

5. oinarria.— Eskabideak aurkezteko lekua eta epea

1. Administrazio Publikoen Administrazio Prozedura Erkidearen urriaren 1eko 39/2015 Legearen 14.2.a) artikulua araberak, diru-laguntzetarako eskabideak Bizkaiko Foru Aldundiaren egoitza elektronikoaren bidez aurkeztu beharko dira (<https://www.ebizkaia.eus/eu/hasiera>).

2. Eskabideak aurkezteko epea 2019ko urriaren 1etik urriaren 18ra bitartekoa izango da (egun biak barne).

**6. oinarria. — Aurkeztu behar diren agiriak**

1. Eskabideak aurkezteko, Bizkaiko Foru Aldundiaren egoitza elektronikoan bete eta aurkezteko dauden eredu espezifikoak erabili behar dira (<https://www.ebizkaia.eus/eu/hasiera>), 39/2015 Legearen 66.6 artikuluan ezarritakoarekin bat.

2. Dokumentazio orokor eta espezifiko hau erantsi beharko da:

- a) Erakunde eskatzailearen IFZren kopia.
- b) Erakunde eskatzailearen estatutuen edo eraketa-eskrituren kopia.
- c) Dagokion erregistroan inskribatuta egotearen ziurtagiria.
- d) Banku-helbideratzearen fitxa, behar bezala beteta.

Aurreko lau ataletan aipatutako dokumentazioa ez da aurkeztu beharko baldin eta aurretiaz aurkeztu bada eta ez bada aldaketarik egon azken hiru urteotan.

- e) Pertsona fisiko batek NAN elektronikoa erabiltzen badu eskabidea egiteko, jarduteko ordezkaritza-ahalordea aurkeztu beharko du.
- f) Erakundearen kide anitzeko gobernu-organoko kideen kopuruari buruzko aitorpena, sexuaren arabera bereizita, eta bereziki adierazita zein generotakoa den erakundeko burua.
- g) Diru-laguntza jaso dezaketen ikastaroen zerrenda, datu hauek jasota:
 - 1) Ikastaroaren kodea.
 - 2) Ikastaroaren hasiera eta amaierako datak.
 - 3) Ikastaroko hizkuntza.
 - 4) Ikastaro-mota (estentsiboa, edo trinkoa), trebakuntza teoriko-praktikoaren eta trebakuntza praktikoaren ordu-kopurua adierazita.
 - 5) Titulua 2018ko urriaren 1etik 2019ko irailaren 30era bitartean lortu duten ikasleen kopuru osoa, sexuaren arabera bereizita.
 - 6) Ikasleen desgaitasun- eta/edo mendetasun-ziurtagiria, hala dagokionean.
 - 7) Matrikularen zenbatekoa.
- h) 2018ko urriaren 1etik 2019ko irailaren 30era bitartean zuzendarientzako edo begiraleentzako ikastaroko moduluren bat egin duten eta ekitaldi honetan titulua lortu baina dirulaguntzarik jaso ez duten pertsonen zerrenda. Honako datu hauek adierazi beharko dira: ikaslearen izen-abizenak, jaioteguna, sexua, ikastaroa egin duen hizkuntza, praktiken amaiera-data eta egiaztatze-eguna.
- i) Emakume eta gizonen berdintasuna lortzeko jarduketaren arloan duten esperientzia eta ibilbidea egiaztatzeko, agiri hauetakoren bat:
 - 1) Erakundeak emakume eta gizonen arteko berdintasunaren arlo espezifikoan duen ibilbidea eta esperientzia, azken hiru urteotan egindako jarduera eta lan nabarmenak adierazita.
 - 2) Langileek generoaren arloan dituzten tituluak, prestakuntza eta curriculumak.
 - 3) Emakume eta gizonen arteko berdintasuna bultzatzea erakundearen helburua dela jasotzen duen erakundearen sorrera-eskrituraren edo estatutuen fotokopia.
 - 4) Berdintasunaren arloko enpresa-egiaztagiria edo -bereizgarri bat, edo emakumeen eta gizonen aukera-berdintasunean entitate laguntzailea izatearena, edo antzeko agiri ofizialen bat.
 - 5) Emakumeen eta gizonen berdintasunerako plana eta/edo familia, lana eta bitzita pertsonala uztartzeko neurriena.
 - 6) Erakundearen zuzendaritza batzorde edo organoko kideen % 40 gutxienez emakumeak direla jasotzen duen ziurtagiria.

3. Bizkaiko Gardentasunari buruzko otsailaren 17ko 1/2016 Foru Arauaren 2. artikulua aintzat harturik, adierazi beharko da zein diren erakundeak urtean aurreikusten dituen diru-sarrerara guztiak.



4. Bizkaiko Foru Aldundiak egiaztatu egingo ditu eskabidea sinatzen duen pertsonaren identifikazio-datuak.

Halaber, Bizkaiko Foru Aldundiak eskatzailearen banku-kontuaren titulartasun-datuak egiaztatuko ditu, betiere eskatzaileek berariaz uko egiten ez badiote horri.

Datu pertsonalak eskuratzeko modua bat etorriko da Datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzko Europako Parlamentuaren eta Kontseiluaren 2016ko apirilaren 27ko 2016/679 Erregelamenduan (EB) eta erregelamendu hori garatzen duen araudian ezarritakoarekin bat, bai eta Datu pertsonalak babestu eta eskubide digitalak bermatzeko abenduaren 5eko 3/2018 Lege Organikoan ezarritakoarekin bat etorritz.

5. Halaber, eskaera hau sinatuta baimena ematen zaio Euskara, Kultura eta Kiroleko Foru Sailari Ogasunaren eta Gizarte Segurantzaren ziurtagiriak eskatzeko, Diru-laguntzei buruzko maiatzaren 31ko 5/2005 Foru Arauaren 21.3 artikuluan ezarritako ondorioetarako.

7. oinarria. — Eskabideak zuzentzea edo hobetzea

1. Eskabideak behar bezala beteta ez badaude, edo eskabidearekin batera foru dekretu honetan eskatutako agirietakoren bat aurkeztu ez bada, errekerimendua egingo zaio erakunde eskatzaileari, hamar (10) egun balioduneko epearen barruan akatsa zuzendu dezan edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.

2. Edonola ere, Kultur Ekintzako Zerbitzuko Gizarte eta Hezkuntza Programen Atalak aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

8. oinarria. — Diru-laguntzak emateko araubidea

Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru-araua 20. artikularen 1. zerbakiaren bat, diru-laguntzak emateko prozedura arrunta norgehiagoka araubidearen arabera izapidetuko da.

Hala eta guztiz ere, artikuluko horren hirugarren paragrafoan xedatutakoarekin bat, diru-laguntzetarako dagoen zenbateko osoa diru-laguntzaren onuradunen artean hainbatu ahal izango da, salbuespenez.

Kontuan hartuta dekretu honen xedea aisialdiaren arloko hezitzaileen eskolek ematen duten trebakuntza sustatzea, dela, 2.1 oinarrian ezarritako baldintzak betetzen badira, deialdi honen diru-laguntzak emateko araubidea salbuespeneko hainbanaketa-sistema izango da.

9. oinarria. — Diru-laguntzak emateko irizpideak

1. Diru-laguntzen zenbatekoa ezartzeko, irizpide hauek hartuko dira kontuan:
 - a) Hasierako hamalau mila (14.000,00) euroko zenbateko finko bat emango zaio erakunde bakoitzari.
 - b) Beste zenbateko bat emango da, alda daitekeena aurrekontuan erabilgarri gertatzen denaren arabera, eta honako datu hauen arabera zehaztuko dena:
 - 1) Begiraleentzako ikastaroa euskaraz egin duen ikasle bakoitzeko (titulua 2018ko urriaren 1etik 2019ko irailaren 30era bitartean lortzen badu), ehun eta hogeita hamabost (135,00) euro, gehienez.
 - 2) Begiraleentzako ikastaroa gaztelaniaz egin duen ikasle bakoitzeko (titulua 2018ko urriaren 1etik 2019ko irailaren 30era bitartean lortzen badu), ehun (100,00) euro, gehienez.
 - 3) Zuzendarientzako ikastaroa euskaraz egin duen ikasle bakoitzeko (titulua 2018ko urriaren 1etik 2019ko irailaren 30era bitartean lortzen badu), berrehun eta hogeitabost (225,00) euro, gehienez.



- 4) Zuzendarientzako ikastaroa gaztelaniaz egin duen ikasle bakoitzeko (titulua 2018ko urriaren 1etik 2019ko irailaren 30era bitartean lortzen badu), ehun eta hiruhogeita hamabost (175,00) euro, gehienez.
- 5) Dibertsitate funtzionala duen ikasleren bat balego, edo modu ofizialean aitortutako % 33ko desgaitasuna edo mendetasuna gutxienez duen baten bat, 2018ko urriaren 1etik 2019ko irailaren 30era bitartean zuzendarientzako edo begiraleentzako ikastaroko moduluren bat egin badu, hiru mila (3.000,00) euro gehienez.

Aurreko kasu guztietan, ikasleen datuek, dokumentazioak eta kalifikazio globalek Eusko Jaurlaritzak homologatutako informatikako aplikazioan erregistratuta egon behar dute, 2019ko urriaren 31 baino lehen.

2. Aurrekontuetan erabilgarri dagoenaren arabera, eta betiere aurreikusitako gehienero mugak errespetatuz, hainbanaketa egin ahal izango da 9.1 oinarri honetako b) letrako atalean adierazitako kopuruak kalkulatzeko, kopuruok proportzionalki murriztuz.

10. oinarria. — Aholkularitza

Euskara, Kultura eta Kirol Saileko Kultur Ekintzako Zerbitzuko Gizarte eta Hezkuntza Programen Atalak behar den laguntza teknikoa edo aholkularitza eskainiko ditu foru dekretu hau dela-eta sortutako zalantza edo kontsulta guztiak argitzeko, web-orri honen bidez: <http://www.bizkaia.eus/laguntzaileaisialdi>.

11. oinarria. — Ebazpena

1. Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 22.4. artikuluan xedatutakoa betez, deialdi honetan, interesdunei ez zaie, lehenbizi behin-behineko ebazpen-proposamena eman, eta, gero, entzunaldiaren izapidea eskainiko, zeren prozeduran interesdunek ekarri dituzten egitateak, alegazioak eta frogak besterik ez baitira jaso eta kontuan hartuko.

2. Deialdia ebatzi aurretik, Kultur Ekintzako Zerbitzuko Gizarte eta Hezkuntza Programen Atalak egiaztatuko du ea eskatzaileek egunean dituzten zerga-betebeharrak eta Gizarte Segurantzari dagozkionak.

Aurreko guztia egiaztatu ondoren ikusten bada eskatzailearen batek betebeharrak horietako edozein ez duela betetzen, errekerimendua egingo zaio hamar (10) eguneko epean egoera hori erregulariza dezan, eta ohartaraziko zaio ezen, hala egiten ez badu, eskaratan atzera egin duela ulertuko dela.

3. Ebazpena emateko eta jakinarazteko epea bi (2) hilabete izango da, gehienez, eskabideak aurkezteko epea amaitzen denetik zenbatuta.

Euskara, Kultura eta Kirol Saileko foru diputatuak emango du ebazpena, Kulturako zuzendari nagusiaren proposamena kontuan hartuta, Kultur Ekintzako Zerbitzuak txostena egin ondoren. Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

4. Deialdi hau ebatzeko ematen den foru agindua deialdi publiko honetarako eskabidea aurkeztu duten erakunde interesdunei jakinaraziko zaie; horretarako, iragarkia argitaratuko da Bizkaiko Aldizkari Ofizialean. Egoitzan agertzeko sistemaren bidez ere jakinaraziko zaie erakunde interesdunei.

Foru agindu horretan berariaz jasoko da ebazpenak administrazio-bidea agortzen duela eta interesdunak aukerako berraztertze errekurtsoa jar dezake foru agindu horren aurka, Euskara, Kultura eta Kiroleko foru diputatuari zuzenduta, hilabeteko (1) epean, edo administrazioarekiko auzi-errekurtsoa bi (2) hilabeteko epearen barruan; epeok jakinarazpena egin eta biharamunean hasiko dira zenbatzen.

**12. oinarria. — Beste diru-laguntza batzuekiko bateragarritasuna**

1. Foru dekretu honetako diru-laguntzak ez dira bateragarriak Bizkaiko Foru Aldundiak helburu bererako emandako beste diru-laguntza batzuekin.

Hala ere, bateragarria izango da helburu bererako beste administrazio batzuek edota erakunde publiko zein pribatuek (estatukoak izan nahiz nazioartekoak) emandako diru-laguntza edo laguntzekin.

2. Diru-laguntza emateko kontuan hartutako inguruabarretakoren bat aldatzen bada, eta betiere aldi berean udalerrietako, autonomia-erkidegoetako, estatuko edo nazioarteko beste administrazio edo erakunde publiko batek emandako beste diru-laguntza, laguntza, sarrera edo baliabideren bat lortzen bada, gerta liteke diru-laguntza emateko ebazpena aldatzea, zeren foru dekretu honen bitartez araututako diru-laguntzen zenbatekoa, bakarrik zein beste diru-laguntza edo laguntza batzuekin bat eginda (finantzaketa propioa barne), inolaz ere ezin baita izan onuradunak egin beharreko jardueraren kostua baino handiagoa.

IV. TITULUA

DIRU-LAGUNTZAK KUDEATZEA ETA JUSTIFIKATZEA**13. oinarria. — Diru-laguntza ordaintzea**

1. Diru-laguntza emateko foru agindua Bizkaiko Aldizkari Ofizialean argitaratu eta ondorengo 10 egun baliodunetan erakunde onuradunak ez badio beren beregi eta egoitzan agertzeko sistemaren bidez uko egiten, diru-laguntza onartu duela ulertuko da.

Diru-laguntza eman dela Bizkaiko Aldizkari Ofizialean argitaratu ondoren, 10 egun baliodun igaro ondoren, Kultur Ekintzako Zerbitzuak diru-laguntzaren zenbatekoaren ordainketa izapidetuko du Ogasun eta Finantzen Foru Sailean, eta erakunde onuradunei ez zaie horretarako inolako bermerik eskatuko.

2. Diru-laguntza ordaindu baino lehen, onuradunek zerga-betebeharrak eta Gizarte Segurantzarekikoak egunean dituztela egiaztatuko da.

Hori egiaztatu ondoren ikusten bada erakunde onuradunen batek betebeharrak horietako edozein ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio ezen, horrela egiten ez badu, emandako diru-laguntza jasotzeko eskubidea galduko duela.

14. oinarria. — Diru-laguntza onuradunaren borondatez itzultzea

1. Martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, 2005eko maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru-erakundeak aurretik eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatuko ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Erakunde onuradunak ordainketa-gutun bat erabili behar du Foru Aldundiaren diru-laguntza bere ekimenez itzultzeko. Ordainketa-gutun hori Kultur Ekintzako Zerbitzuaren bulegoetan izapidetuko da, onuradunak eskatuta. Ordainketa-gutunean honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-laguntza itzultzeko arrazoia. Hori guztia Itzuli behar den diru-laguntzari erreferentzia eginez adieraziko da.

3. Diru-laguntzaren onuradunak finantza-erakunde batean ordainketa egin ondoren, ordainketaren kopia edo diru-sarreraren frogagiria bidali beharko dio Euskara, Kultura eta Kirol Saileko Kultur Ekintzako Zerbitzuari.

**15. oinarria. — Justifikazioa egiteko epea eta era**

Foru dekretu honen bidez arautzen diren diru-laguntzen erakunde onuradunek honako konpromiso hauek hartzen dituzte:

1. Diruz lagundutako proiektua egitea.
2. Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzei buruzko Erregelamenduaren 57. artikuluekin bat etorruta, Bizkaiko Foru Aldundiko Euskara, Kultura eta Kirol Sailean justifikatzea jarduerak egin direla, laguntza ematea eragin zuten baldintzak bete direla, eta diruz lagundu den proiektuari dagokion gastua nola aplikatu den ere bai. Horretarako, honako agiri hauek aurkeztu behar dira, egoitzan, 2020ko urtarrilaren 31ra arte (egun hori barne):
 - a) Diruz lagundutako jardueren nondik norakoei buruzko memoria, bertan honako hauek zehaztuta: jarduerak zenbateraino burutu diren; zer zerbitzu eskaini diren; burutu diren ikastaroak; bai eta diruz lagundutako proiekturako zer giza baliabide eta baliabide material erabili diren ere.
 - b) Egindako jardueren kostua justifikatzen duen txosten ekonomikoa, honako alderdi hauek jasotzen dituena:
 - 1) Proiektuari egotzitako sarreren eta gastuen egoera-orria, egoitzan dagoen ereduaren arabera.
 - 2) Gastu-partida bakoitzean, diru-laguntza jaso duen jardueraren gastuen zerrenda, egoitzan dagoen ereduaren arabera.
 - 3) Aurreko idatz-zatian aipatutako zerrendan jaso diren fakturak edo merkataritzako trafiko juridikoan froga-balio baliokidea edo eraginkortasun administratiboa duten gainerako agiriak eta, hala badagokio, ordainketa egiaztatzeko agiriak.
 - 4) Dirulaguntzen, laguntzen, diru-sarreren edo baliabideen zerrenda zehatza, eta, hala bada, finantzaketa propioarena ere bai, baldin eta horiek finantzatu badute diru-laguntza jaso duen jarduera; xehetasun hori egoitzan dagoen ereduaren arabera egingo da partida bakoitzaren arabera.
 - c) Diruz lagundutako gastuaren aurrekontua justifikatzeko, maiatzaren 31ko 5/2005 Foru Arauaren 29.3 artikuluan xedatutakoaren arabera, foru diru-laguntzaren erakunde onuradunak egiaztagiria aurkeztu behar ditu, gutxienez hiru hornitzailek egin dizkieten eskaintzak justifikatzeko, baldin eta administrazio-kontrataziorako araudian kontratu txikirako ezarritako zenbatekoak gainditzen badira, salbu eta kontratuaren ezaugarri bereziak direla-eta merkatuan ez badago halakorik egin dezakeen erakunde nahikorik edo gastua eskabidea aurkeztu aurretik egin bada. Aurkezten diren eskaintzen artean aukeratzeko, efizientzia- eta ekonomia-irizpideen arabera jokatu da. Hala, proposamen ekonomikorik onena aukeratzeko ez denean, beren-beregi justifikatu behar da inguruabar hori, memoria baten bidez.
 - d) Egitaraua gauzatzeko prestatutako esku-egitarau, kartel, argazki, argitalpen, ikus-entzunezko eta informatikako materialen aleak, baita beste edozein motatako agiri grafikoren aleak ere; haietan, erraz ikusteko eran agertu behar da jardueraren horretarako Bizkaiko Foru Aldundiak diru-laguntza eman duela. Horretarako, Bizkaiko Foru Aldundiaren erakunde-elementuak sartuko dira material horietan, foru dekretu honen 16. oinarriaren f) letran ezarritakoarekin bat etorruta.

16. oinarria. — Diru-laguntzaren onuradunaren beste betebeharrak

Onuradunak betebeharrak hauek ere izango ditu:

- a) Diru-laguntza emateko orduan kontuan hartu den edozein alderdi objektibo edo subjektibok aldaketarik izan badu, horren berri ematea diru-laguntza eman dionari, egoitzaren bidez.
- b) Jardueraren hasiera-dataren eta amaiera-dataren berri ematea diru-laguntza eman dionari, egoitzaren bidez. Halaber, diruz lagundutako jarduera kontrolatze-



- ko, haren jarraipena egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.
- c) Euskara, Kultura eta Kiroleko Foru Sailari laguntzea, hala eskatzen bazaio, eta kultura arloko edozein informazio ematea (azterlanak, inkestak, datu estatistikoak, etab.).
- d) Euskara, Kultura eta Kiroleko Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jarduerak onartzea.
- f) Diru-laguntza eman ondoren editatutako material guztietan eta jendaurreko agerpen guztietan, Bizkaiko Foru Aldundiaren babesaren agerraztea; horretarako, Bizkaiko Foru Aldundiaren irudi korporatiboan ezarritako elementuak baliatuko dira, eta logotipoaren aldameneari esaldi hau agertuko da, hitzez hitz:
«Bizkaiko Foru Aldundiak babestutako ekintza / Actividad subvencionada por la Diputación Foral de Bizkaia.»
Euskara hutsean garatutako proiektuetan, gainera, euskararen txantxangorriaren irudia sartu beharko da.
- g) EAEko hizkuntza ofizial biak erabiltzea diru-laguntzaren xede den jardueraren publizitatean eta zabalkundeetan, bai euskarri grafikoan bai ikus-entzunezko komunikabideetan (era guztietako iragarkiak, kartelak, liburuxkak...).
- h) Emakumeen eta gizonen berdintasuna sustatzea lanpostuen definizio, sarbide, kontratazio eta iraungipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza sindikal, ordezkaritza eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- i) Zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
- j) Diruz lagundutako proiektua gauzatzen den bitartean, ez erabiltzea hizkera sexistarik dokumentuetan, ikus-entzunezkoetan eta gisakoetan (idatzizkoetan zein digitaletan), eta pertsonen buruzko edozein estatistikatan datuak sexuaren arabera bereiz jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako ekainaren 20ko 4/2018 Foru Arauaren 3 artikulua.
- k) Bizkaiko Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamenduaren 54. artikuluan eta hurrengoetan ezarritako gainerakoak.
- l) Deialdi honi dagokionez, diru-laguntza foral baten erakunde onuradunek bete egin behar dituzte 5/2005 Foru Arauaren 27. artikuluan eta Diru-laguntzen Erregelamenduaren 53. artikuluan azpikontratazioaren arloa dela-eta arautzen diren betekizunak eta debekuak.

Diruz lagundutako jardueraren % 80 azpikontratatzea onartuko da, gehienez ere.

17. oinarria. — Itzulketa

1. Zenbait kasutan itzuli egin beharko dira jasotako diru-laguntza eta dagozkion berandutze-interesak; hain zuzen ere, hala egin beharko da baldin eta ez badira betetzen aurreko oinarrian edo Foru Administrazioak ematen dituen diru-laguntzen araubide juridiko orokorra arautzen duen maiatzaren 31ko 5/2005 Foru Arauaren 33. artikuluan



edo Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzen Erregelamenduan jasotako betebeharretariko bat edo batzuk; besteak beste, honelakorik gertatzen bada itzuli beharko dira:

- a) Justifikatu beharra ez betetzea.
- b) Emandako diru-laguntzaren helburua ez betetzea.
- c) Diru-laguntza justifikatzen ez bada edo foru dekretu honetan ezarritakoaren arabera nahiko edo behar bezala justifikatzen ez bada, justifikatu ez den diru-laguntzaren zatia eta sortutako berandutze-interesak itzuli beharko dira, Bizkaiko Foru Aldundiko Kultur Ekintza Zerbitzuak horretarako errekerimendua egin ondoren.
- d) Diru-laguntza lortzea nahiz eta horretarako baldintzak bete ez.
- e) Ezarritako kontrol-jarduerak egiten ez uztea, edo horretarako oztopoak jartzea.
- f) Foru dekretu honetan ezarritako gainerako baldintzak ez betetzea.

2. Diru-laguntza jaso duen jardueraren kostua baino finantzaketa gehiago jasotzen bada, diru-laguntza itzuli beharko da.

18. oinarria. — Aurrekontuko partida

1. Deialdi honen babesean diru-laguntzak emateko 2019. urtean indarrean dauden aurrekontu-muga ehun eta hirurogeita hamar mila (170.000) eurokoa da. Kopuru hori 2019. urteko aurrekontuko 0405 G/232111/45100 partidaren pentzutuan (2007/0245 proiektu zk.) ordainduko da.

2. Eskabide guztiak ebatzi ondoren, guztira diru-laguntzetarako emandako diru kopurua aurrekontu-muga baino txikiagoa bada, gastu-baimena deuseztatzea tramitatuko da, soberan den zenbatekoan.

AZKEN XEDAPENAK

Azken xedapenetako lehenengoa. — Ahalmena ematea

Ahalmena ematen zaio Euskara, Kultura eta Kiroleko foru diputatuari, foru dekretu honetan xedatutakoa ondoen garatzeko beharrezkoak diren xedapen guztiak eman ditzan.

Azken xedapenetako bigarrena. — Indarrean jartzea

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon emana, 2019ko uztailaren 9an.

Euskara, Kultura eta Kiroleko
foru diputatua,
LOREA BILBAO IBARRA

Ahaldun Nagusia,
UNAI REMENTERIA MAIZ